

07. maj 2004

UPA2004/37

**Katersugaasiveqarneq pillugu Inatsisartut peqqussutaata allannguutissaatut
Inatsisartut peqqussutissaattut siunnersuut**

pillugu

Inatsisartut Kultureqarnermut Ilinniartitaanermullu Ataatsimiititaliaata

ISUMALIUTISSIISSUTISSAANUT MISSINGERSUUT

Siunnersuutip aappassaaneerneqarnerani saqqummiunneqartoq

Inatsisartut Kultureqarnermut Ilinniartitaanermullu Ataatsimiititaliaata
suliarinninnermini ukuninnga inuttaqarpoq:

Inatsisartunut ilaasortaq Doris Jakobsen, Siumut, siulittaasoq
Inatsisartunut ilaasortaq Georg Olsen, Inuit Ataqtigiit. Siulittaasup tullia
Inatsisartunut ilaasortaq Ruth Heilmann, Siumut
Inatsisartunut ilaasortaq Ellen Christoffersen, Atassut
Inatsisartunut ilaasortaq Astrid Fleischer Rex, Demokraatit

Inatsisartut Ataatsimiititaliaata UPA 2004-mi siullermeerinninnermini
„Katersugaasiveqarneq pillugu Inatsisartut peqqussutaata allannguutissaatut
Inatsisartut peqqussutissaattut siunnersuut" misissorpaa imatullu oqaaseqarniarluni.

Tusarniaanermi akissuteqaat

Siunnersuummi uani tusarniaanermi akissuteqaatip assilinera ataatsimiititaliami suliarinninnermi atugassat ataatsimiititaliap pissarsiarai. Tassani allassimavoq tusarniaanermi illuatungeriit akissuteqarnissaminut sivikitsuinnarmik periarfissaqarsimasut, taamaalilluni assersuutigalugu Upernaviup Katersugaasivia tusarniaaneq ulloq 18. februar akineqartussatut ullulerneqarsimasoq ulloq 17. februar tigusimagaa. Tusarniaanermi piffissarititat taama sivikitsigisarnerisa tusarniaanermi akissuteqaatit annikillissisinnaammatigit ataatsimiititaliap eqqumaffigeqquvaa, aammalu minnerunngitsumik tusarniaanermi akissuteqaatit pitsaassusaat ajornerulersissinnaammassuk. Taamaattumik aalajangiiniarnermi tunngavigisassat pitsaassusaasa aammalu kikkut tamat oqartussaanagerat eqqarsaatigalugu naammaginatartumik tusarniaanermi piffissaliisoqartarnissaa ataatsimiititaliap erseqqissaatigissavaa.

Siunnersuut illuatungeriinnut susassaqartunut tusarniaassutigineqareernikuuvoq. Kalaallit Nunaanni politimestereqarfimmut Kalaallillu Nunaanni eqqartuussiveqarfimmut siunnersuut saqqummiunneqarnissaa naleqquttuunngitsoq Naalakkersuisut paasissutissiisutigaat, akerlianilli siunnersuut KNAPK-mut APK-mullu malinnaatillugu nassiunneqarsimalluni.

Siunnersuutip ilusiligaanera.

Ataatsimiititaliap maluginiarpa Inatsisartut Inatsisissanik Nalilersuisarfianniit innersuut ilaatigut Naalakkersuisuisut naqqiisutitut atuagassiaanni ilanngunneqarsimasoq.

Ataatsimiititaliaq ingerlatsiviup innersuussutai Inatsisartut Inatsisissanik Nalilersuisarfianniit tapiutitut allakkiamik tigusaqarpoq. Allakkiaq isumaliutissiisummi matumani ilanngussatut ilanngunneqarpoq. Tassunga atatillugu Peqqussutip qulequtaata nassuiaataata naqqiutitai annikitsut pillugit ataatsimiititaliaq isumaqatigiittoq siunnersuuteqarpoq (allannguutissatut siunnersuut 1).

Siunnersuutip imarisai.

Katersugaasiveqarnek pillugu Inatsisartut peqqussutaata allannguuteqarnissaa piumasarineqartunik FN-p Kalaallit Nunaanni imaq pillugu isumaqatigiisutip atortussanngortitsinera Inatsisartut UPA03-mi akuersissutigisaat eqqarsaatigalugu pisariaqartoq.

Immap naqqani taasumalu ataani nallagaaffiup inatsisitigut inatsisitigut atortinneqarfianni kulturikkut kingornussat qulakkeerneqarnissaat peqqussutissatut siunnersuutip pingaarnertut siunertaraa. Peqqussutissatut siunnersuutip inuinaat namminersorlutillu suliffeqarfiit namminneq atugassamissut tamakkuninnga pissarsinissaat, taamaalilluni pisuussutit tamakku kingorna annaaneqarnissaagaluat pinngitsoortissagaluarpaa.

Tamanna tunuliaqutaralugu Naalakkersuisut siunnersuutaat Kultureqarnermut Ilinniartitaanermullu Ataatsimiititaliap tigulluarpaa.

Taamaattoq ataatsimiititaliap nuataamik Naalakkersuisunut eqaarsaatigeqqeppaat peqqussutissatut Siunnersuummi innuttaasut nassaat illoqarfinnit katersugaasivinnut pisortat pigisaannut tunniussisussaatitaanermut pisussaffilerneqannginnissaannik, toqqorneqarnissaat Nunattalu Katersugaavianut assartoqqinneqarnissaat eqqarsaatigalugu. Tamanna nassaat tunniunneqarnissaannut nassaallu paasisimasalinnut sukkanerpaamik tunniunneqarnissaannik qulakkeerinnissammat.

Aammattaaq nassaat nassaarineqartut ullumikkullu Nunatta Katersugaasivianut ingerlateqqinneqartartut ullumikkumut naleqqiullugu annertunerusumik illoqarfinniitiinnarne qartarnissaat ataatsimiititaliap isumaqarfigaa. Tamanna pillugu ataatsimiititaliap isumaqatigiittup Kultureqarnermut, Ilinniartitaanermut, Ilageeqarnermut Ilisimatusarnermullu Naalakkersuisoq nassuiaateqassasoq qinnuigaa.

Peqqussummi pusussaaffik § 24a, imm. 1 naapertorlugu ukununnga atuuppoq *"qallunaat nunaanni innuttaassusillit Kalaallit Nunaanni aajangersimasumik najugallit imaluunniit akunnikkallarsimasut"*. Katersugaasiveqarnermut inatsit § 24a-p inunnut Kalaallit Nunaannut attaveqartunit atorneqarsinnaannginnera ataatsimiititaliap eqqarsarnartoqartippaa, pingaartumik nunani allani innuttaassusilinnut Kalaallit Nunaanni aalajangersimasumik inuit nalunaarsorsimaffianni nalunaarsorsimasunut, massa aggerfimminni malittarisassat assinginiq peqarnersoq qulakkeerneqanngikkaluartoq.

Taamaattumik inatsisimmik uniinerunermik kinguneqarsinnaanersoq imaluunniit nunani allani innuttaassuseqartut nunami maani najugaqalersimasut tunngaviusumik inatsimmik ilaginnaanermik kinguneqarsinnaanera pillugu imaluunniit pisariaqanngitsumik assigiinngissisitsisuunersoq, nunani allani innuttaassusillit nunami maani nunaqalersimasut "erlinnartunik ujarlerneq"-nermik, qallunaat nunaanni innuttaassusilinnut maani nunaqartunut inerteqqutaasoq Naalakkersuisut nassuiaateqarnissaannik ataatsimiititaliaq piumasaqarpoq.

Taamaattoqassappat ajornartorsiutit allaaserineqartut pinngitsoortinniarlugit, assersuutigalugu Kalaallit Nunaanni najugalinnut tamanut immap naqqani kulturikkut kingornussat akornusersuisunut imaluunniit itsarnisanik tiguisoqartillugu il.il.katersugaasiveqarnermut inatsisip tamanut atuussanngortinneqarnissaa Naalakkersuisut qulakkiissagaat ataatsimiititaliap kaammattussavai.

Katersugaasiveqarnermut inatsimmut inuit inatsimmi pineqartut akiliisitaanermik akisussaaffilerneqarnissaannik Namminersornerullutik Oqartussat maannakkut eqqussisariaqartariaqaraluannik Namminersornerullutik Oqartussat malittarisassanik aalajangersaanissamut piginnaatitaaffiata inatsisitigut killissarititaa qanoq qaangerneqaratarsinnaanera nalorninartoqarsinnaanera pillugu Ataatsimiititaliaq isumaqanngilaq. Inuit inatsimmi pineqartut akiliisitaanermik

akisussaaffilerneqarnerisa peerneqarneratigut malunnaatillimmik peqqussutip pitsaasumik ingerlanneqarnera pillugu aalajangersakkap taassuma peerneqarnissaa ataatsimiititaliap isumaqatigiittup isumaqatigaa (allannguutissatut siunnersuut 2).

Sukumiisumik nalilersuereernikkut akissarsisitsisalersinnaanissamut periarfissamik Naalakkersuisut ammaassisariaqaraluarnerat **Ataatsimiititaliami amerlanersussuteqartut** Siumut, Inuit Ataqtigiit Demokraatillu isumaqarput. Nassaarineqartut qulakkeerneqarnissaannut, toqqortarineqarnerannut assartorneqarnerannullu tunngatillugu nassaartumut pisarissersuutaasinnaanerat inuiaqatigiit iluarinninnermik ersersitsinissamut periarfissiissaaq. Akissarsisitsinerup pisariaqanngitsumik pissutsinut, pingaartumik siunnersuummi innuttaasoq annertungaatsiartumik nammakkersortus-saammagu allamik taartisiassaqaqarnissaanik periarfissaqartinnagu (allannguutissatut siunnersuut 3).

Erlinnartunik ujarlernissamik aallartisaasut kaammattorumallugit akissarsisinneqartarnissaannik Naalakkersuisut isummernerat **Ataatsimiititaliami ikinnerussuteqartut** Atassutip tapersersorpaa. Taamaattumik ataatsimiititaliami amerlanerussuteqartut allannguutissatut siunnersuutaat 3 ataatsimiititaliami ikinnerussuteqartut qulaani taaneqartup tapersingilaa.

Tamanna tunngavigalugu allannguutissatut siunnersuutit uku Naalakkersuisut naqqiutitut siunnersuutaat saqqummiunneqartoq ataatsimiititaliap qulaani taaneqartup amerlanerussuteqartup saqqummiutissavaa:

1.

Peqqussutip qulequttap nassuiaataani ungaluutip aallartinnerata kingorna oqaaseq "Allannguutit" ikkunneqassasoq.

2.

Peqqussutissatut siunnersuut imm. 5 peerneqassaasoq.

3.

Peqqussutissatut siunnersuut imm. 3 peerneqassasoq.

Tamanna tunngavigalugu allannguutissatut siunnersuutit uku Naalakkersuisut naqqiutitut siunnersuutaat saqqummiunneqartoq ataatsimiititaliap qulaani taaneqartup amerlanerussuteqartup saqqummiutissavaa:

1.

Peqqussutip qulequttap nassuiaataani ungaluutip aallartinnerata kingorna oqaaseq "Allannguutit" ikkunneqassasoq.

2.

Peqqussutissatut siunnersuut imm. 5 peerneqassaasoq.

Taama oqaaseqarluni Inatsisartut Kultureqarnermut Ilinniartitaanermullu Ataatsimiititaliaata „katersugaasiveqarneq pillugu Inatsisartut inatsisaata allangortinneqarneranik Inatsisartut inatsisissaattut siunnersuut" aappassaaniigassanngortippaa.

Doris Jakobsen, Siumut
siulittaasoq siulittaasoq

Georg Olsen, siulittaasup
tullia

Ruth Heilmann

Ellen Christoffersen

Astrid Fleischer Rex

Ilanngussaq: Katersugaasiveqarneq pillugu Inatsisartut peqqussutaata allanngutissaatut Inatsisartut peqqussutissaannut siunnersuut UPA 2004/37 pillugu ilassutitut allakkiaq